

ԼԱՄԲԵԹԻ ԺԱ ՀԱՄԱԺՈՂՈՎԸ

Սույն թվականի հուլիսի 22-ից մինչև օգոստոսի 13-ը Քեմբրիջի համալսարանում տեղի է ունեցել Լամբեթի ԺԱ համաժողովը՝ նախագահությամբ Քեմբրիջի արքեպիսկոպոս ղոկտ. Ֆրեդերիկ Դոնալդ Կոզանի:

Համաժողովին մասնակցել են աշխարհի 115 տարբեր երկրներից ժամանած 425 անգլիկան թեմակալ արքեպիսկոպոսներ և եպիսկոպոսներ: Համաժողովի աշխատանքներին իրենց մասնակցությունն են բերել նաև շուրջ 50 խորհրդակալներ և նույնքան դիտորդներ քրիստոնեական զանազան քույր եկեղեցիներից:

Հայ առաքելական եկեղեցու կողմից, որպես դիտորդ-ներկայացուցիչ, համաժողովին մասնակցել է նույնպես Անգլիայի հայրապետական պատվիրակ և հոգևոր առաջնորդ տ. Ներսես եպիսկոպոս Պոզապալյանը:

Համաժողովում ընթերցվել են աշխատանքների համար առանցքային նշանակություն ունեցող մի շարք զեկուցումներ հետևյալ թեմաների շուրջ՝ «Հասարակության պահպանումը», «Տնտեսական գործունեությունը և մարդկության տեղնալքները», «Եկեղեցու սպասավորների պատրաստությունը»: Այս վերջին թեմայի, ինչպես նաև «Անգլիկան եկեղեցին և նրա ապագան» նյութի շուրջ առանձին զեկուցումներով և

ճառերով հանդես են եկել անգլիկան եկեղեցու մի շարք բարձրաստիճան հոգևորականներ:

Լամբեթի համաժողովի օրակարգում դրված ամենից հրատապ հարցը եղել է կանանց ձեռնադրության հարցը, որի շուրջ ծավալվել է մտքերի աշխույժ փոխանակություն: Սույն համաժողովը, վերստին ընդհարկելով այդ հարցը, ընդունել է հետևյալ որոշումը. թույլ տալ անգլիկան եկեղեցու թեմակալ առաջնորդներին, որպեսզի ամեն մեկը, ելնելով իր վիճակի առանձնահատուկ պայմաններից ու պահանջներից, ինքը որոշի կանանց քահանայական կոչում տալը կամ չտալը:

Համաժողովում թե՛ կաթոլիկ և թե՛ օրթոդոքս եկեղեցիների ներկայացուցիչ-դիտորդները, ինչպես նաև հայ եկեղեցու ներկայացուցիչը ջանքեր են գործադրել, որպեսզի անգլիկան եկեղեցին ընդհանրապես վերացնի կանանց ձեռնադրությունը:

Օգոստոսի 1-ին Լոնդոնի Ուեստմինստերի արքայաբանում տեղի է ունեցել երեկոյան հանդիսավոր արարողություն, որին մասնակցել են համաժողովի բոլոր պատգամավորները: Նույն օրը Բաքինգհեմի պալատում Մեծ Բրիտանիայի մայր թագուհին տվել է պաշտոնական ճաշկերույթ՝ ի պատիվ համաժողովի բոլոր մասնակիցների:

Օգոստոսի 29-ին Թբիլիսի է այցելում, վրաց եկեղեցու Պատրիարք-կաթողիկոս Նորին Սրբություն Իլիա Բ-ի հրավերով, Հունաստանի Աֆոնի քաղաքի նահանգապետ և Սելանիկի Արիստոտելի անվան համալսարանի պրոֆեսոր, դոկտ. Դիմիտրոս Ցասիմը:

Դոկտ. Ցասիմը սեպտեմբերի 2-ին, ուղեկցությամբ տ. Նիկոլայ եպիսկոպոսի և Վրաստանի եկեղեցական գործերի լիազոր Օնոպրիշվիլու, այցելում է Թբիլիսիի հայոց ա. Գևորգ առաջնորդանիստ եկեղեցի, ուր նրան ողջունում և բարի գալուստ է մաղ-

թում վրահայոց առաջնորդ տ. Գևորգ եպ. Սեբադյարյանը:

Սեպտեմբերի 3-ին, հետմիջօրեի, տ. Գևորգ արքագանը ներկա է լինում վրաց եկեղեցու կողմից ի պատիվ հույն հյուրին տրված ճաշկերույթին, ուր, հանուն Հայոց Հայրապետի, ողջունում է ներկայությունը դոկտ. Ցասիմի և շեշտում կարևորությունը հայ-հույն եկեղեցիների հարաբերությունն ու համագործակցությունը, էկումենիկ ոգով, աշխարհի խաղաղության և եկեղեցիների ի Բրիտանոս եղբայրության համար:

Սեպտեմբերի 21-ին Բուդապեշտի Նորին Սրբություն Տ. Մաքսիմ Ա Պատրիարքը այցելել է Վաշինգտոն, ուր Բուդապեշտի դեսպան Կոստանդին Կրիկորովը, ի պատիվ Սրբագան Պատրիարքի և նրա շքախմբի

անդամների, տվել է պաշտոնական ընդունելություն, որին ներկա է եղել նաև ԱՄՆ-ի հայոց արևելյան թեմի առաջնորդ տ. Թորգոմ արքեպիսկոպոսի ներկայացուցիչ տ. Բաբգեն եպ. Վարժապետյանը, որը ող-

ջունել և բարի գալուստ է մաղթել Նորին Սրբություն Տ. Մաքսիմ Պատրիարքին:

Սրբազան Պատրիարքը իր պատասխան խոսքի մեջ անդրադարձել է Մայր Աթոռի և Էջմիածին կաթարած իր այցելության մասին և շեշտել, որ իրեն խորապես տպավորել են Արարատ լեռը, և Էջմիածինը, Երևանն ու Հայոց Հայրապետ Նորին Սրբություն Վազգեն Առաջինը:

«ԵՎՐՈՊԱԿԱՆ ԵԿԵՂԵՑԻՆԵՐԻ ԿՈՆՖԵՐԱՆՍ»-Ի ԺՈՂՈՎԸ ԾԻՈՖՈԿՈՒՄ

1978 թվականի սեպտեմբերի 26—29 օրերին Ծիոֆոկում (Հունգարիա) տեղի է ունեցել «Եվրոպական եկեղեցիների կոնֆերանս»-ի երրորդ խորհրդակցական ժողովը, որի թեման է եղել «Անվտանգություն, զինաթափություն և Էկոնոմիկա»:

Խորհրդակցությանը մասնակցել են Եվրոպայի 20 երկրներից ժամանած քրիստոնեական տարբեր եկեղեցիների 80 ներկայացուցիչներ: Ժողովին իր մասնակցությունն է քերել նաև Դամասկոսի թեմի առաջնորդ տ. Ոսկան ծայրագույն վարդապետ Գալփաքյանը որպես հայ առաքելական եկեղեցու ներկայացուցիչ վերոհիշյալ կոնֆերանսում:

Սեպտեմբերի 26-ին կալացած լիագումար հիստում կարդացվել են երեք հիմնական գեկուցումներ հետևյալ թեմաներով՝ «Սպառնալիքները», «Եվրոպայի անվտանգությունը և Էկոնոմիկայի և Բելգրադի ժողովներից

Պետք է աշատել արձանագրել, որ տ. Բաբգեն սրբազանը Վաշինգտոնում, որպես առաջնորդի ներկայացուցիչ, սերտ հարաբերություններ է պահում քույր եկեղեցիների հետ և նրանց «տեղյակ կպահե հայ եկեղեցվո, Մայր Աթոռի և հայ ժողովրդի կյանքի և ներկայի կարևոր իրադարձություններում մասին»:

հետո», «Եկեղեցիների դերը Եվրոպայի անվտանգության ամրապնդման գործում», որոնց շուրջ տեղի է ունեցել մտքերի լայն փոխանակում խորհրդակցության մասնակիցների միջև:

Այնուհետև ժողովն իր աշխատանքները շարունակել է երեք աշխատանքային խմբերում, որոնցից յուրաքանչյուրն զբաղվել է ժողովի ընդհանուր օրակարգից բխող առանձին հարցերի ուսումնասիրությամբ: Հայ եկեղեցու ներկայացուցիչը մասնակցել է երրորդ խմբի աշխատանքներին:

Սեպտեմբերի 29-ին ամփոփվել են վերոհիշյալ երեք խմբերի խորհրդակցությունների արդյունքները առանձին տեղեկագրերում, որոնց հիման վրա պատրաստվել է մի հաղորդագրություն, որը լիագումար հիստում մանրամասն քննարկման ենթարկվելուց հետո հաստատվել է խորհրդակցության մասնակիցների կողմից:

*
*
*

Հայոց Հայրապետի հրավերով սույն թվականի նոյեմբերի 23—24 օրերին պաշտոնական այցով Մայր Աթոռում եղավ «Խաղաղության քրիստոնեական կոնֆերանս»-ի գլխավոր քարտուղար, պատուիր Լյուքսմիր Միրելյովսկին՝ իր հարգելի տիկնոջ հետ:

Նոյեմբերի 23-ին Հայոց Հայրապետը Վեհարանում ընդունեց մեծարգո հյուրին և զրույց ունեցավ նրա հետ:

Նոյեմբերի 24-ին Վեհարանում տեղի ունեցավ խորհրդակցական հանդիպում ԽԶԿ-ի գլխավոր քարտուղարի և Գերագույն հոգևոր խորհրդի ատենապետ տ. Սիրոն արքեպ. Մանուկյանի, Մայր Աթոռի դիվանապետ տ. Արսեն եպ. Բերբերյանի, Գերագույն հոգևոր խորհրդի անդամ Հովհաննես Թովուզյանի և Մայր Աթոռի Միջեկեղեցական հարաբերությունների բաժնի ընդհանուր քարտուղար Պարգև Շահբազյանի միջև:

Հանդիպման ընթացքում քննության առ-

նվեցին «Խաղաղության քրիստոնեական կոնֆերանս»-ի հետ Մայր Աթոռի հարաբերությունների և գործակցության ընդլայնման հնարավորություններին վերաբերող մի շարք հարցեր:

Նույն օրը, երեկոյան, հարգելի հյուրն իր տիկնոջ հետ հրաժեշտ տվեց Մայր Աթոռին, Հայոց Հայրապետին և հաջորդ օրը, առավոտյան, մեկնեց լավագույն տպավորություններով:

Մայր Աթոռում գտնվելու օրերին պատուիր Լյուքսմիր Միրելյովսկին այցելեց Մայր տաճար, ուր ներկա եղավ երեկոյան ժամերգությանը, ծանոթացավ Վաղարշապատում գտնվող և Հոփիսիմե, և Գալանե վանքերին, ապա այցելեց Երևանի և Սարգիս եկեղեցի, Ծիծեռնակաբերդի հայ մահատակաց հուշարձան, և Մեսրոպ Մաշտոցի անվան ձեռագրաց Մատենադարան, ինչպես նաև Գառնիի հեթանոսական տաճար և և Գեղարդ վանք: